

سنه لکی در سعادت ایچون مجیدیه
یکرمی غروش حسابیه الفش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

فکرانک محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلامانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تبلیغات

عدلیه نظارت مبلد سنده بالعموم عدلیه مفتشیه
محاکم استینافیه مدعی عمومیه نظیر قنانه خبرات
عمومیه صورتیدر:

دعوی وکیللرینه ویریلان اجرتک طرف خصمدن
النفق اوزره محاکمه اعلامانه درجی یولنده نظامنامه
مخصوصنک رخصت مخصوصه بی حائر دعوی وکیللرینه
بخش ایلدیکیمی امتیاز قانونیدن بونلرک خارجنده ایفای
وکالت ایدمک اولانلرک استفاده لرینه مساغ
ویره جک بر قید و صراحت اولمامسندناشی شهادتنامه لی
دعوی وکیل بولنمیان محللرده و یا شهادتنامه سز دعوی
وکیل استفاده مجبوریت کوردن کده اومقوله
وکیللره ویریله جک اجوراتک طرف خصمدن تسویه
اولنفق اوزره اعلامانه درج ایدلماکده اولدینی بعض
دواژدن وقوع بولان اشعارندن آکلاشیلوب بوایه
حقوق خزینهنک ضیاعنی موجب اوله جفی درکار
وبعض محللرده اوکی وکیللر استفاده منده کی ضرورت
اشکار بولندیقنه و بویله بر تدبیر موقت ایچون تعدیل
نظامه احتیاج کوریلهمدیکنه بناء بروجه محرر
شهادتنامه لی دعوی وکیل بولنمیان محللرده و یا شهادتنامه
سز دعوی وکیل استفاده مجبوریت کوردن کده
بونلره ویریله جک اجرتلرک طرف خصمدن تأدیه
ایدلک اوزره اعلامانه درجی خصوصنک نظارته
حواله سیله بالعموم دواژ مرکزیه و ولایات ایل الویه
غیر ملحقه تبلیغات اجراسنه شورای دولت قراریله
بالاستیذان اراده سنیه حضرت خلافتناهی شرفتعلق
بیوریلهرق ایجابی ایفا اولدینی باتذکره سامیه
اشعار قلمش اولمغه بوصورتله دواژ دولت نامنه
اجرای وکالت ایدمک اولان رخصتنامه سز وکیللر
اجوراتنک اعلامانه درجی لزومی دائره مأموریتلری
داخلنده بولنان محاکمه تبلیغ اولنفق اوزره اشبو
تحریراتنک نسخ مطبوعه کافیه سی لغا ارسال قلندی .

محاکمات مقدمات

محکمه تمیز استدعا دائره سندن تنظیم واعطا
قلنان اعلامدر :

اطاله لسان ماده سندنطولای مظنون علیه اولان
کال افتدین اوج التون جزای تقدینک تحصیلنه دائر
در سعادت استیناف محکمه سی جنحه قسمندن لاحق
اولان اعلامک تمیزی مستدعی کال افتدی طرفندن
ویریلان عرفحال ایله متفرعاتی مقدما محکمه تمیز
استدعا دائره سنجه لدی التدقیق مستدعی مومی الیهک
شرائط تمیزی جمله سندن اولان بش لیرا جزای
تقدی بی ایفا و یا خود بی قدرت اولدیقنه دائر مرجع
رسمی سندن مصدق شهادتنامه استحصال واعطا
ایتمدیکیمی اکلاشلمله عرفحال مذکورک ردینه قرار
ویریلوب کیفیت اعلامه ربط اولنمش و اوراق ۲۲ نیشان
سنه ۳۲۰ تاریخنده باش مدعی عمومیک مأموریت
بهینه سنه تودیع اولدینی قیداً اکلاشلمش و اخیراً
مومی الیه کال افتدی طرفندن ویریلان ۲ مایس سنه ۳۲۰
تاریخی بر قطعه استدعا ایله شرائط تمیزی جمله سندن
اولان بش لیرا جزای تقدینک ایفاسنه بی قدرت
اولدیقنه دائر بر قطعه شهادتنامه اعطا قلمش ایسه ده
دائرة جه تدقیقات تمیزیه اجراسیله نقصانی شرائطدن
دولای رد ایدیلان بر استدعانک تکرار شرائطی
تدقیقه مساغ قانونی بولنماش اولدیقندن مذکور
استدعای اخیرک دخی ردینه و یوز غروش اعلام
خرجنک مومی الیهن بالتحصیل عدلیه وزنه سنه
تسلیمنه ۲۷ مایس سنه ۳۲۰ تاریخنده متفقاً قرار
ویرلدی .

مختاره قریه لی حسینی قتل ایلدکاری ادعا
اولن سندن دولای جنایت و جنحه ایله اتهام اولنان
یوسف قاسم خطارک اون بش سنه مدته کورکه
قونلشنه و ملحم قاسمک سکز و محمد ورشیدک التیشر
ماه مدتلره حبس لرینه و قاسم خطارک برانته دائر

جبل لبنان استیناف محکمه سی جزا دائره سندن ویریلان
۷۷ نومرو لی اعلام

شاطرک قریه لی عمری قتل ایلدیکیمی ادعا
اولن سندن دولای جنایتله اتهام اولنان عمر بن حیدرک
اونبش سنه مدته کورکه قونلشنه دائر موصل ولایتی
استیناف محکمه سی جزا دائره سندن ویریلان ۱۱
نومرو لی اعلام

حسینی قتل و محمد وعطیه نک اشبالرینی سرقت
ایلدیکیمی ادعا اولن سندن دولای جنایتله اتهام اولنان
محمد علینک اونبش سنه مدته کورکه قونلشنه دائر
کربلا سنجانی بدایت محکمه سی جزا دائره سندن
ویریلان ۱۳۳ نومرو لی اعلام

بلانشیک قریه لی سلیمانی جرح و قتل ایلدیکیمی
ادعا اولن سندن دولای جنایتله اتهام اولنان بشیرک
اونبش سنه مدته کورکه قونلشنه دائر برات سنجانی
بدایت محکمه سی جزا دائره سندن ویریلان ۲۴
نومرو لی اعلام

محمدی ضرب ایله وفاته سبیت ویردیکیمی ادعا
اولن سندن دولای جنایتله اتهام اولنان ابراهیمک
بش سنه مدته کورکه قونلشنه دائر بوردور سنجانی
بدایت محکمه سی جزا دائره سندن ویریلان ۶۳
نومرو لی اعلام

دوز اغاج قریه لی حسنک اثنای راهده قتل
قصیدله تشهر سلاح ایدرک بالتهدید اچقره لرینی سرقت
ایلدیکیمی ادعا اولن سندن دولای جنایتله اتهام اولنان
عثمانک اوج سنه مدته کورکه قونلشنه دائر قونیه
ولایتی استیناف محکمه سی جزا دائره سندن ویریلان
۳۰۲ نومرو لی اعلام

حماملی قریه لی احمدی قتل ایلدکاری ادعا
اولن سندن دولای جنایت ایله اتهام اولنان اسماعیلک
اونبش سنه مدته کورکه قونلشنه و سلیمان واحد
ومصطفی و خلیلک اوچر ماه مدتلره حبس لرینه دائر
قره سی سنجانی بدایت محکمه سی جزا دائره سندن
ویریلان ۲۰۶ نومرو لی اعلام

ایفای وظیفه مأموریت اناسنده ضبطیه عمری

جرح ابله تعطیل عضوونه سیبیت وردیکی ادعا اولمسندن دولای جنایتله اتهام اولتان رنجبر ایونک سکر سنه مدته کورکه قولمسنه دأر موش سنجایی بدایت محکمه سی جزا دأره سندن وریلان ۲۲۵ نومرولی اعلام

اوراق قریه لی محمد کهیا ابله زوجہ سی شریفه نک انشای راده اوکریه جقه رق جروشده استعمالیه نفوذ واشیالری سرقت وکندولری جرح ایلدکری ادعا اولمسندن دولای جنایتله اتهام اولتان عمر وعبدالهک اون بشر سنه مدترله کورکه قولمسنه دأر ایچ ایل سنجایی بدایت محکمه سی جزا دأره سندن وریلان ۹۳ نومرولی اعلام

مرده خایک دکائی لیلأ ناخستار ابله آچهرق معلوم المقدار اشباسی سرقت ایلدکری ادعا اولمسندن دولای جنایتله اتهام اولتان محمد بن ابراهیم ابله محمد بن قاسمک اوچر سنه مدترله کورکه قولمسنه دأر سنجایی بدایت محکمه سی جزا دأره سندن وریلان ۱۱۹ نومرولی اعلام

معلولا قریه لی ایاسی ضرب ابله وفاته سیبیت وردیکی ادعا اولمسندن دولای جنایتله اتهام اولتان ابراهیمک بش سنه مدته کورکه قولمسنه دأر سوریه ولایتی استیفاف محکمه سی جزا دأره سندن وریلان ۴۶ نومرولی اعلام

نجن قریه سندن قیون سرقته تصدی ایلدیکی واهالی طرفندن تعقیب ایلدیکی صروده ابراهیمی قتل قصدیه جرح ایلدیکی ادعا اولمسندن دولای جنایتله اتهام اولتان عرنیدسک سکر سنه مدته کورکه قولمسنه دأر لاذیه سنجایی بدایت محکمه سی جزا دأره سندن وریلان ۳۸ نومرولی اعلام

حال حسن زوجہ سی خنیفه خاتونک قیوسی کلیدی شکست ایدرک اشباسی سرقت ایلدیکی ادعا اولمسندن دولای جنایتله اتهام اولتان قهوجی عجم علینک بش سنه مدته کورکه قولمسنه دأر آبدین ولایتی استیفاف محکمه سی جزا دأره سندن وریلان ۳۱۲ نومرولی اعلام محکمه تمیز جزا دأره سنجیه تصدیق اولمشدر .

درساعات جنایت محکمه سندن تنظیم واعطا قلطان اعلامدر :

اوچوز یکریمی سنه سی مایسک یکریمی سکرنجی کوئی بک اوغلنده صاغ زقانی باشنده عربی علقونی جرح وقتل ایلدیکی ادعاسیله مظنون علیه اولان قبا طاشده عشرت مکئی قارشوسنده برخانه ده اقامتله عربی جلیق ایتدیکنی سولیان بالیق مهاجرلرندن

اوردیقنی وجان آجیسیله وحدته زره سندن وقاچ علقندن جرح ایتدیکنی بیله مدیکنی سولیدیکی جانب ریاستدن متهم مرقومه اخطار ابله اشبو افاده سنه نه دیه جکی سورلدقده بوبله بر افاده دن خبری اولدیقنی جوانی آلدی .

علی هذا ضابطه عدلیه تقریری وطیب راپوری قرائت ایتدیرلدی .

۲۸ مایس سنه ۳۴۰ تاریخی اولان مذکور تقریرده اوچوز یکریمی سنه سی مایسک یکریمی سکرنجی جمعه کوئی ساعت اون راده لرده فری کوئی ساکنلرندن عربی علقونک عربی ابراهیم طرفندن جرح وقتل ایلدیکنی خبر وریلمکله قائل مرقومک استجوا . بنده یوم مذکورده ترلا باشنده کوتورمک اوزره عربی سنه آلدینی بری اختیار دیگر کی کچ ایکی خرسیتان قادینی بک اوغلنده ترلا باشنده صاغ زقانی باشنده کوتوردیکنده مقتول علقونک مشتره لرینه حرف اندازلقده بولندینی کی کندوسنه دخی اطاله لسان ایدرک ضربه قیام ایتسندن طولای مرقومک بخاوندن خلاص اولقی اوزره حامل بولندینی بیخایله مرقومی جرح ایتدیکنی سولیش و تحقیقات محلیه نک اجراسنده دخی مرقوم ابراهیمک افاده سی درجه ثبوت واصل اولمده بولنش ایدوکی ازار وراپورده دخی مرقوم علقونک اوجی سیوری برآلت قاطعه ابله حصوله کش صاغ کتفی اوزرنده برسانیمترو طولنده سطحی برعدد جرحه وصول ساعدی وسط خارجی اوزرنده بش ساتیمترو طولنده سطحی مثک الشکل دیگر برعدد جرحه وصول الیک سبابه پارمی رنجی مفصل وجه قدامی اوزرنده درت ساتیمترو طولنده عمقی مفصله قدر ومثلک الشکل دیگر برعدد جرحه وصول وصدینک عظم فسی وسط ایمنی اوزرنده درت ساتیمترو طولنده عمقی عظمه قدر دیگر برعدد جرحه وصدینک ظهیری صول جهتی وعظم کتفی آلتنه التنجی مسافه یمین . الاضلاعی اوزرنده سکر ساتیمترو طولنده مستعرض بر عدد جرحه ومعبری پارمی ابله معاینه اولندقده خلقدن قدامه وصولدن صاغه وجزئیجه اعلان اسفله سیر ایدرک جوف صدره دخول ایتدیکنی وصول رنه جرح اولندیقنی وینه ظهیرنک صاغ جهت عظم کتفی اوزرنده اوج ساتیمترو طولنده عمقی عظمه قدر دیگر بر عدد جرحه مشاهده اولوب ظهیرنک صول جهتده بولان وجوف صدره نافذ اولان جرحه دن مذکور آلتک انشای سیرنده درون رنده موجود شریان دوریه لری قطع ایتسندن متحدت سیلان دم داخلی و خارجیدن متأراً وفات ایتدیکنی اشعار قلتمشدر .

قرائت ایتدیرلان اوراق مندرجانه نه دیه جکی

اورادیقنی وجان آجیسیله وحدته زره سندن وقاچ علقندن جرح ایتدیکنی بیله مدیکنی سولیدیکی جانب ریاستدن متهم مرقومه اخطار ابله اشبو افاده سنه نه دیه جکی سورلدقده بوبله بر افاده دن خبری اولدیقنی جوانی آلدی .

قرائت ایتدیرلان اوراق مندرجانه نه دیه جکی

صوبیلان متهم ابراهیم قبول ایتدیکنی سوزنی تکرار ایتدی .

مدعی عومیلک جانندن وریلوب معامله تبلیغیه . سی اجرا قلطان شهود بوصله سنده اسامیسی محرر اولوب دعوت واقعه یتباعا ورود ایتدیکری خبر وریلان کسان برر برر حضور بحکمه جیقاریله رق عند السؤل طرفینه برکونه قرابت ومناسبت وخصوص . متلری اولدیقنی طرفینی وقعه مناسبتیه طانیدقاری اکلالمقلمه اصولاً تحلیف لری بعد الاجرا منفرداً ومواجهه استماع اولندقارنده بولردن باقالتیده طاطاوله جاده سنده اوتوز نومرولی خانه ده مستأجرأ اقامتله عربی قوش جیسی اولدیقنی سولیان اوتوز طقوز باشنده آستانه لی فرانکک ولد آراکل وقعه کوئی بک اوغلنده ترلاباشی جوادنده طوغری یولده صول زقاعک آغزندنه عربی سیله طورمده ایکن عربی متوفی علقونک صاغ زقاعک ایچندن جاده به طوغری قوشمده واورمه واولدیرمه چوق چوقی صاحبی . دیمکده اولدیقنی ومؤخرأ اسمک ابراهیم اولدیقنی اوکر دیکنی شخصک یدنده بیاق بولندینی حاده مرقوم علقونی بالتعقیب طوتوب بیاقله مرقومک صرته درت دفعه اوردیقنی کی مرقوم علقونک شکرله جی دکائی اوکنده دوشمسلیه متهم ابراهیم یته بیاقله بردقعه ده کوسندن اوروب عربی سنک بولندینی مذکور زقاعه عودت ایتدیکنی ومأمورین ضابطه نک متهم مرقومی یدنده بیاق اولدیقنی حاده دردت ایتدیکری کوردیکنی ومعارضه نک بدایتی مشاهده ایده میوب وقعه نک تحدیثه متهم ابراهیمک عربی سنده کی مشتریه قادیتره علقو طرفندن سوز آلدیقنک سیبیت ویردیکنی ایتدیکنی افاده مضبوطه سی وجهله اخبار وعند السؤل من بورتائی کورسه طانیه جقی واقامشکالری بیله . مدیکنی ومن بوره لرک برسی کچ اولوب دیکری قرق یاشلرنده تخمین اولنه بیله جکی وقعه نک دهشتندن حاصل اولان خوف وهیجانندن طولای متهم مرقومک دردت سنه جرأت ایده میوب قورقوسندن کری به دوندیکنی ومرقوم علقونک اول وقت النده ویاننده قامچی وسائر آلت ضرب وجرحه بولندیقنی ومتهم ابراهیمی عربی نک آلتنه آلدیقنی کورماش ایدوکی ویدیکی ابراهیمک حاضر بولان متهم اولدیقنی علاوه تذکار ایلدی .

متهم ابراهیم برکونه سبب بیسان ایتدیرک اشبو شاهدک شهادتی قبول ایده میه جکی جوانده بولندی . (مابعدی کله جک نسخه به)

پاولیک انیقیه والینک بولی بی ضرب وجرح ایتدیکری ثابت اولدیقندن پاولینک اون بش کون

حبسنه ور لیرا النوب انیقیه اعطاسنه والیندن برالتون الهرق بولی به اعطاسنه

بیحانک ارستیدی بی ضرب وجرح ایلدیکنی اصولاً ثابت اولدیقندن ایکی لیرا النوب ارستیدی به اعطاسنه درساعات بک اوغلی بدایت محکمه لری جزا دأره . لرنجه قرار ویرلمشدر .

الاعانات

درساعات استیفاف مدعی عومیلکندنه :

اسلحه واجزای ناریه قیاقیلغه جرأت ایلدیکنی ادعاسیله مظنون علیه اولوب حال فرارده بولتان غلطه ده بروسه اولندده ساکن کلیمک قصه سی اها لیسندن اورته بولی ، آجیق آلتی ، قرال قاش و بیقل ، الا کوزلی ، چکمه بروئی ، مطروش چکلی ، بشدای بکزی تبعه دولت علیه دن یکریمی اوج باشنده پنا یوط ولد علقونک اصول محاکات جزائی قانونک مواد مخصوصه سی احکامنه توفیقاً درساعات جنایت محکمه سنده محاکمه سی اجرا قلتمق اوزره قانون جزانک یوز آلتش آلتجی ماده سنک ۵ شعبان سنه ۳۴۱ تاریخی ذیل موجبجه جنایتله اتهامه قرار ویرلیدیکندن متهم مرقومک هر زرده کوریلورسه طوتیلوب محکمه مذکورده توفیقخانه سنه تسلیمی لازم کله جکی بالجله ضابطه عدلیه مأمورلرینک معلومی اولقی اوزره اشبو اخذ وکرفت مذکره سی درساعات هیئت اتهامیه سندن بالتظیم اعطا قلندی .

بیک اوچوز اون یدی سنه سی ابولولک اوتوزنجی بازار کوئی اقشامی قاضی کوبنده رضا پاشا چارشو . سنده بالنزاعه نوعی جرح وقتل ویردیکنی جرح ایلدیکنی ادعاسیله مظنون علیه اولوب موده ده انشیه سی قوندریجی پنا یوطک خانه سنده ساکن ایکن وقعه یی متعاقب فرار ایتش اولان اون طقوز باشنده صوتیری ولد واسیلک اصول محاکات جزائی قانونک مواد مخصوصه سی احکامنه توفیقاً درساعات جنایت محکمه سنده محاکمه سی اجرا قلتمق اوزره قانون جزانک یوز یتش دردنجی ماده سی موجبجه جنایتله اتهامه قرار ویرلیدیکندن متهم مرقومک هر زرده کوریلور ایسه طوتیلوب محکمه مذکورده توفیقخانه سنه تسلیمی لازم کله جکی بالجله ضابطه عدلیه مأمورلرینک معلومی اولقی اوزره اشبو اخذ وکرفت مذکره سی درساعات هیئت اتهامیه سندن بالتظیم اعطا قلندی .

بیک اوچوز اون اوج سنه سی حیراننک اون

بدنجی صالی کوئی خندق ناحیه سیله قارغلی قریه سی آره سنده زعفرانیولی مصطفی اوغلی اسماعیل ورفیقی یتش ومصطفانک اوکریه مسلحاً جقه رق کندولری ضرب وجرح واقعه سی ابله اشیارلی اخذ وغصب ایلد . کزلی ادعاسیله مظنون بولنالردن اولوب حال فرارده واوصاف واشکالی غیر مضبوط بولان دوزجه قضاسنک نوح وبران قریه سندن ابازه مصطفی اوغلی الیاس پهلوان فوطه وموطقونک اصول محاکات جزائی قانونک مواد مخصوصه سی احکامنه توفیقاً اذمید بدایت محکمه سی جزا دأره سنده محاکمه لری اجرا قلتمق اوزره قانون جزانک ایکی یوز اون سکرنجی ماده سی موجبجه جنایتله اتهامه لرینه قرار ویرلیدیکندن متهمون مرقومونک هر زرده کوریلورلر ایسه طوتیلوب محکمه مذکورده توفیقخانه سنه تسلیملری لازم کله جکی بالجله ضابطه عدلیه مأمورلرینک معلومی اولقی اوزره اشبو اخذ وکرفت مذکره سی درساعات هیئت اتهامیه سندن بالتظیم اعطا قلندی .

نجات محرمه حکم سنده :

غلطه ده قله قوسنده خانه سنده ساکن ایکن تجارت بحریه محکمه سندن افلاسنه حکم اولنش اولان بالطو تاجری ژوزف اشتیغارد ذمتده اله جقی انبات ویا موقتاً قبول وقید ایتدیرمش اولان الاجاقولرک قانونامه تجارتک ۲۱۱نجی وانی ولی ایدن ماده سی موجبجه مفلس طرفندن تکلیف اولنه جق قوققور . داتونک مذاکره سی ایچون ۳۲۱ سنه سی مارتسک اوجنجی بخشیه کوئی محکمه مذکورده مصالح افلاسیه رؤیته مخصوص اوطه سنه کلاری اعلان اولنور .

ایکنجی نجات محکم سنده :

بیوکدرده مقیم ایکن ایکنجی محکمه تجارتدن افلاسنه حکم اولنش اولان محمد درویشک خصوصات افلاسیه سنک رؤیت وتسویه سی ضمتنده دعوی وکیللرندن اقتیاطوس اوره یولوس اقدی اصالة سندیک تعیین قلتمش اولدقارندن مفلس مرقوم ذمتده اله جنی اولانلرک قانونامه تجارتک ۱۹۹ و ۲۰۰نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون طرفنده سنداتی محکمه کاتبه تسلیم ایلری ومدت مذکورده ختامندن صکره اوج کونده یعنی اوچوز یکریمی بر سنه سی مارتسک اون التنجی ، اون بدنجی واون طقوزنجی چهارشنبه ونجشنبه وجهه ایرتسی کونلری ایکنجی محکمه تجارتک افلاس اوطه سنه کله رک سندیک اقدیلر مواجهه سنده اله جق لری انبات وقید وتصدیق

ابتدای برملری ومدت مذکورده اثبات وجود ایدیه میان
اله جقورلر حقنده قانون مذکورک ۲۱۰ نجی ماده سنه
توفیقاً ایفای معامله اوله جفی اعلان اولنور .

اعلومات شرعیه اجرا دائره سنده :

مکه مکرمه قاضیسی اسبق متوفی حسین رشدی
افدی ورئه سندن زوجه منکوحه متروکه سی متوفاه
عایشه وزوجه من بوره دن متولده کیره کریمه سی
فاطمه رشیده خانم لک ورئه دن کیر محمدوملری
طویران قضایسی نائی مکرمتلو اسماعیل حق و معان
قضایسی نائی مکرمتلو محمد ضیاء الدین افندیلر ذمتلرنده
با اعلام شرعی اله جقوری اولان مبالغ معلومه نک
تأمین استیفاسی ضمننده مدیون مومی الیه دن انتقالاً
پدر ومورثلری متوفای مومی الیه دن انتقالاً
عهده لرنده اولوب محجوز واعلام نظامی ایله فروختی
محکوم بولسان قوم قیو قربنده طواشی سلیمان اغا
محل سنده صو ترازبسی زقاغنده اون بر وجشمه
زقاغنده ایکی نومرولو ایکی باب کارکیو خانه ایله
نچشمه زقاغنده درت والی وسکزر نومرولو ایله
مرقم اوج باب کارکیو خانه وشیش فرهاد محل سندن
مصلاجاده سنده کائن یوز ومکرر یوز نومرولو
ایکی باب کارکیو خانه وطاطلی قیو ونام دیگر امام
حامی زقاغنده واقع اون ایکی نومرو ایله مرقم
مع باغچه مشرف خراب اخشاب بر باب خانه لرده کی
ثلثان حصه شابعه لری بوندن اول لدی المزیاده
لیرای عثمانی یوز غروش حسابیله طواشی سلیمان اغا
محل سنده کی اون بر وایکی نومرولی ایکی باب خانه
حصه سی طقوز بیک غروش ودرت نومرولی خانه
حصه سی درتیک درتیوز والی نومرولی خانه
حصه سی بشیک التیوز غروش وسکزر نومرولی خانه
حصه سی درتیک بشیوز وشیش فرهاد محل سنده کی
یوز نومرولی خانه حصه سی درتیک اوجیوز ومکرر
یوز نومرولی خانه حصه سی کذا درتیک اوجیوز
وطاطلی قیو زقاغنده کی خانه حصه سی طقوز یوز
غروش بدل ایله طالبی اوزرنده تقرر ایتش اولدیغندن
یوزده بش ضمیله بوندن زیاده یه طالب اولانلرک
واطرافلیجه معلومات المقت استیائیلرک اشبو تاریخ
اعلانن اعتباراً اوتوز برکون طرفنده درسعادت
اعلامات شرعیه اجرا دائره سنده مراجعت ایللری
وختام مدت مذکورده معامله نظامیه نک اجرا
قلنه جفی اعلان اولنور .

اعلومات نظامیه اجرا دائره سنده :

خرمبلوسک اجزاجی صامسون اوغلی واسیلاکی

ذمتنده کی الاجفکک تأمین استیفاسی چون مرهون
وفروختی محکوم بولسان عبدی صوابشی محل سنده
قنار جاده سنده واقع تخمیناً طقسان الی آرشون
عرصه اوزرینه منی اوج قاتدن عبارت بش اوطه
برمطبخ وبرطلومبلی قیو وآرقه جهتمده تخمیناً
ایکیوز آرشوندن عبارت باغچه سی حاوی حد انتقالی
توسیع اولنش اوجیوز سکزر نومرولی بر باب کارکیو
خانه نک تمامی علی الاصول بالمزیاده عثمانی لیراسی
یوز غروش حسابیله اون درت بیک غروشده طالبی
عهده سنده تقرر ایدرک موقه قرار داده سی کشیده
قلندیغندن یوزده بش ضمیله بوندن زیاده یه طالب اولانلرک
پی ایچله برابرتاریخ اعلانن اعتباراً اوتوز برکون
قدر مراجعت ایللری ومدت مذکورده انقضاسندن
صکره ضم قبول اولنیه جفی درسعادت اعلامات نظامیه
اجرا دائره سندن اعلان اولنور .

بک اوغلی بدایت محکمه سی اجرا دائره سنده :

دولتوادهم پاشا حضرتلرینک اجزاجی اورده پیدی
استاوریدی ذمتنده اله جفی اولان مبالغ معلومه نک
تأمین استیفاسی ضمننده مدیون مرقومک دکاننده
بولوب حجرت آلتیه النان اجزای طویه ومعلوم المقدار
قوانوز وترازو شهر شباطک بکرمی التیجی جمعه ایرتسی
کونی ساعت یدی بحق قرارلرنده مذکور اجزای خانه نک
اتصالنده کی خانه بالمزیاده فروخت اولنه جفندن
طالب اولنلرک یوم ووقت مذکورده بدل مزایده پی
بالاستصحاب محل مذکورده مأموری حضورنده
حاضر بولنملری بک اوغلی بدایت محکمه سی اجرا
دائرة سندن اعلان اولنور .

اذینه قضایسی بدایت محکمه سی اجرا دائره سنده :

اذینه قضاسنه تابع رغوس قریه سندن حاجی ادهم
اغا زاده یوسف وحین اغارک جهت کفالتدن خزینه
جلیله یه اولان دینلرینک تأمین استیفاسی ضمننده حجرت
آلتیه النان قریه مرقومه نک جامع زقاغنده بر باب اوطه سی
ونصف مغازه لرله عارف اغا موقعنده ایکی وقرق بلاق
موقعنده برکه جمعا اوج قطعه ترالریبک تاریخ اعلانن
اعتباراً اون بش کون صکره فروخته تشبث ایدیلرکی
اذینه قضایسی بدایت محکمه سی اجرا دائره سندن اعلان
اولنور .

اذینه قضاسنک جدید قریه سندن کرمو اوغلی
قسطنطینک ایتم صندیغه جهت کفالتدن دینک
تأمین استیفاسی ضمننده حجرت آلتیه النان قریه مرقومه نک
کوبری باشی موقعنده طرفلری کرمو قیزی اماسیوده
وصومه لی قیزی و بوتل اولادلری و پول ایله محدود

بیک سکزر یوز کوتوکی حاوی درت دونم باغ کرمی
ایکی بیک یوز بکرمی وقریه دروننده کور قسطنطی
وشاری اوغلی اطناش وکلیسا جاده سیله محدود بشیوز
ذراع بر پارچه صرف ملک عرصه سی بیک طقوز
غروشده طالبی عهده سنده تقرر ایدرک ۱۲ اغستوس
سنه ۳۲۰ تاریخنده قرار داده سی کشیده ایدلرکیندن
تاریخ اعلانن اعتباراً اوتوز برکون طرفنده یوزده
بش ضمیله بوندن زیاده یه طالب اولانلرک اذینه قضایسی
بدایت محکمه سی اجرا دائره سنده مراجعت ایللری اعلان
اولنور .

بیرامیچ قصبه سندن چاوشلیلی حاجی علی اوغلی
حاجی حسنک خزینه جلیله یه اولان دینک تأمین
استیفاسی ضمننده حجرت آلتیه النان قصبه مرقومه ده واقع
معلوم الحدود برقطعه باغچه سی بیک وچاوشلی قریه سنده
برقطعه باغی قرق وبرقطعه باغچه سی ده درتیوز غروشده
طالبی عهده سنده تقرر ایدرک ۲۲ حیران سنه ۳۲۰
تاریخنده قرار داده سی کشیده قلندیغندن تاریخ اعلانن
اعتباراً اوتوز برکون طرفنده یوزده بش ضمیله طالب
اولانلرک اذینه قضایسی بدایت محکمه سی اجرا دائره سنده
مراجعت ایللری اعلان اولنور .

قلعه سلطانیه لی دو قنور پولیخرونی انانوستا کینک
یکیشار قریه سندن وزراعدن متوفی استراپی
ولد حرا لامبو ذمتنده بایند محکوم به الاجنی اولان
یوز بکرمی بش بحق لیرای عثمانی ایله مصارف محاکمه نک
تأمین استیفاسی ضمننده قبل الحکم حجرتله فروختی
طلب اولنان قریه مذکورده نک حاجی دیمتری زقاغنده
صاحب ملک دکانی وقوز اوغلی اطناش وطریق ایله
محدود بر باب مغازه ودوقاکی قیزی ماریه دکانی وطریق
ایلله محدود کذا بر باب مغازه وبر طرفی صاحب ملک
مغازه سی وطرفینی طریق ایلله محدود بر باب بقال دکانی
وپایا نیقوله زقاغنده پایا نیقوله دکانی وبوریزن
قسطنطی خانه سیله محدود کذا بر باب بقال دکانی
وبویاجی کوبریسی موقعنده طرفینی طریق و ابراهیم
ترلا سیله اون بش وطریق و ابراهیم اغا ومرعه ایلله
اون طقوز وقوم کوی موقعنده طرفینی طریق وحاجی
خلیل اغا ترلا سیله درت ومرعه لر موقعنده پایا نیقوله
وطریق ومرعه ایلله محدود اون طقوز دونم ترلا سی
تاریخ اعلانن اعتباراً اون بش کون صکره فروخت
ایدیلرکی اذینه قضایسی بدایت محکمه سی اجرا
دائرة سندن اعلان اولنور .

